

16
2559
10



2559
110

勞山堂集卷第三十一目錄

神道碑

明故兵部尚書張都察院右副都御史贈太子太

保謚襄毅潘公神道碑

明故資政大夫都察院左都御史贈太子少保吏

部尚書謚莊靖宋公神道碑

明故吏部右侍郎王公神道碑

明故通議大夫兵部左侍郎陶公神道碑

明故嘉議大夫南京都察院右副都御史趙公神

道碑



山堂集卷第三十七

神道碑

明故兵部尚書兼都察院右副都御史贈太子太

保謚襄毅潘公神道碑

嘉靖辛丑夏 詔重建 太廟遴選採木大臣僉議正

部侍郎潘公前建 七陵及 奉先殿實董採木之役

績有成効宜無踰潘公者而公謁告君里於是符 旨

起公于家公受命遄 發沿襄漢涉風濤衝冒霧露以往

來川貴之間深林穹 谷鳥道巘巖崎嶇之境躬自援歷

不以勤辭公計慮精 審區畫有條徵發不滯以故人樂

于從事不二年獲尋丈大木三百有奇餘木皆稱廟
成賜白金綵幣進工部尚書回籍需用未幾起公爲兵
部尚書兼右副都御史提督兩廣軍務公前在蜀過勞
得疾至是疾益加行次饒州乃連疏乞休歸而以嘉靖
甲辰九月十一日卒于正寢訃聞上深憫悼命有司
諭祭營葬特贈宮保一品諡襄毅蓋異數云公諱鑑字
希古徽之婺源人初家食與從父今少司馬珍兄少司
馬旦弟僉憲選更相切磨篤志積學年十四代父兄執
門戶役上書縣令令試其文奇之既領應天鄉薦登正
德戊辰進士授南京大理評事歷寺副正福建按察僉

事丁內艱復除四川改浙江僉事陞貴州按察副使可
外艱復除河南信陽兵備陞四川按察使改山西陞江
西右布政使四川左使都察院右副都御史巡撫四川
遂改工部右侍郎督木以至今官公初在閩有寇蘇秉
規糾亡命稱大噓哪據海島爲患公分巡其地討平之
南安盜起攻仙遊城將官受檄逗遛不進乃自擐甲檄
與泉民兵伏其歸路邀擊斬獲殆盡福州戍卒作亂勢
猖獗公設方畧擒捕會邵武卒亦叛則單車馳往諭之
而叛者始定於是公各藉起撫蜀以諸縣衛賦輕重無
等吏緣爲奸爲畫一法著之令甲賦賴以平鹽井麗江

兩酋相仇殺公約雲南撫臣持檄諭之卽解請內轄關
南寇馬興率衆逼蜀境蠻落十五寨咸負山谷相結爲
援公以計緩之密授總兵等方畧以兵塞諸要遂帥精
騎擣平其巢事聞賜白金彩幣公在蜀久知地里險易
察於民俗之宜周知夷情之變凡撫循安輯通商便民
及詰兵控夷之政大者驛聞小者案舉其治蜀論者謂
有張乖崖之風焉督木事完奏言湖廣川貴諸府其民
疲於採辦困憊不得息請量議蠲復朝廷從之兩廣之
起 上意簡在特重用之而公弗祿矣公儀觀修挺性
夷易不爲危言激論而耿介壁立不可干以私治官如

家恭勤潔白之操始終一致焉生成化壬寅八月三十
一日享年六十有三魯祖諱濟祖諱遠安父諱琦祖父
俱以公貴贈通議大夫工部右侍郎祖母呂氏母施氏
俱贈淑人配呂氏封淑人子二長溫次澄俱廕補國子
生女三孫男三孫女一溫等將以 年 月 日葬公
于 山之原而詣予請銘其神道予往交于潘氏諸公
而司馬公希周又同年同僚實以書來請故銘不得辭
銘曰

奕奕潘公實望新安管彼喬木碩大以繁維三司馬乘
時蔚起同本殊榦爲材匪異公年十四嶄然脫穎上書

公庭規切時政粵既登第宦績四敷刑察冤獄兵熾叛
寇在蜀歲多治績尤最夷謗其威民懷其惠國有大役
起公于家董治得宜人罔怨嗟棟梁鉅材萬里雲集清
廟告成帝心有憚乃頌綸命晉位司空寵資駢蕃以
旌厥功惟計在國不爽錙銖惟志在民利安是圖內直
外方肅肅其度秉執有確不茹不吐大受方隆遽弗終
遺庸告後人文刻在碑

明故資政大夫都察院左都御史贈太子少保吏

部尚書諡莊靖宋公神道碑

嘉靖丙午之冬上召南京近部尚書宋公爲都察院

左都御史公以疾辭不允時當天下諸司迷職聚闕不
寧丞實與銓部曰職考察公至則力疾稽牘評隲臧否
手披心計殫日夕由是疾增劇乃丁未正月之八日卒
于京師里第上聞震悼命有司諭祭營塋如例而贈
公太子少保吏部尚書賜諡莊靖蓋異數云於是公次
子鄉進士介慶奉柩歸豫章而塋謂嵩於公同鄉又同
弘治乙丑進士請書神道之碑憶與公賜第後仕宦中
外垂四十三載當時同輩存者無幾而公又不可作矣
焉能已於情邪謹按公諱景字以賢世家南昌奉新曾
祖維寧祖鑑有厚德能施其鄉考迪嘉妣涂氏公既貴

景贈其祖與考皆資政大夫南京吏部尚書妣皆夫人
公少孤奮於學弱冠爲諸生試每居首器體凝重識者
言爲公輔之器弘治辛酉舉江西鄉薦再會試擢上第
授河南睢州知州治行卓聞改河南道監察御史是時
逆瑾竊柄公慨然引疾去家居十四年足不及城市若
將終焉而物望鬱起提學田公汝耕巡撫盛公應期先
後疏薦起爲浙江按察僉事未踰年聞母病卽棄官歸
太夫人卒哀痛勺水不入口者五日服除陞山西副使
曾汾州介休饑民相聚爲盜殺地方官勢張甚撫按檄
公往征之督率行伍躬冒矢石擒獲其渠魁釋降附者
皆從民賴以安清陽山賊冰卿亂公又合兵討殲之奏
以潞州爲府而創立平順縣皆公之功爲多陞山東參
政改福建尋陞四川右布政使俱未赴改山西左使公
以晉陽地瘠賦繁民多逃竄地畝虛稅責償平民請召
人佃種而坐以輕折又定九則徵派之例以祛里胥積
弊咸著爲令轉南京光祿寺卿擢都察院右副都御史
總督南京糧儲董攬納禁糧長揭債減呈遞樣米謹通
關之驗收京儲以清改左副都御史佐理院事歷陞刑
部左右侍郎拜南京工部尚書時修南京奉先殿及舊
邸世子府又造黃船公節費料十之七八事竣有白金

文縉之賜改南京吏部旋改南京兵部叅贊機務至卽
奏裁守備叅隨人役考選武職清查快船因弊精覈養
馬利害戎政肅然公履行端嚴執守堅確人不敢干以
私然貌恭氣和於物無忤故賢者樂之而不善者亦未
嘗有怨焉官雖久自奉不異布素方 聖明倚毗召正
臺端朝野屬望而公以一疾不起哲人云亡豈非世道
之大恫哉公配張氏累封夫人子男五長承慶歷爲國
子生次卽介慶次承慶縣學生次和慶具慶女二孫男
三卜以某年月日塋公某山之原余叙而系之銘曰
宋有廣平式懋高風載其勲伐爲喜云云顯光
德攸司金錫玉振精美明通初筮河郡繼展臺驛履參
敵日林莽潛蹤旣起從政一節匪躬其勤三晉秉憲卽
戎開府朔邑誕著庸功乃貳邦刑乃正司空冢卿司馬
保釐舊宮維茲都臺執法在中 帝命維何曰維清忠
一陽占候公來自東公來自東四牡靡靡而弗我留駕
言長終宮保晉秩美諡聿崇瞻彼玄堂有石斯礪樹文
撰德以告無窮

明故吏部右侍郎王公神道碑

吏部侍郎王公諱道字純甫山東武城人也公之行義
孚于鄉而聞譽重於當世偉矣昔在正德辛未之歲舉

進士選入中秘時山東寇亂欲奉祖母避地江南上疏
乞補學職詞極懇切得應天學教授於應天學二載陞
南京儀部主事召改吏部驗封歷考功文選中更憂制
前後在吏部十年雅操端潔大學士西樵方公上言王
某學行純正識度宏遠可備官僚勸講之職乃擢春坊
左論德公引疾固辭曰朝廷以各器爲重不輕假人以
不次之官而人臣惟義分是安當致謹於非分之獲伏
望收回成命庶大臣所屬雖不得經明行修之士猶不
失安分知恥之人於是得旨允以病歸公雖去而名益
高士大夫皆鼓其德用於一載起爲南京國子祭酒未
幾又以疾乞歸自是一意家居好述城府讀書講學種
樹灌園以自適蓋不涓仕籍者十有三年而當是時自
公卿以至臺諫薦疏日至嘉靖丙午起爲南京太常卿
未至遷南京戶部侍郎尋改禮侍召掌北雍屢任三月
改吏部右侍郎然僅閱月公以屬疾遂不起矣公貌厚
而氣溫學篤而志遠始也馳騁詞翰旣而嘆曰此無益
也乃遂研精於義理之學取宋儒程朱書讀之旣又取
論語一部反覆潛玩有悅于心曰聖門平實簡易之學
固如是也公雖潛心理學而見世之立門戶相標榜者
則深耻之嘗言漢以前無各道學者其人品如張文成

言相國黃叔度管幼安皆真道學之流雖老釋二氏亦
各有所見不可厚非其言議不隨時苟同故能表見
輩流大自樹立不爲利害所動進退從容累遷銓曹兩
任國子執法端教表率人才期於俗變風美入官雖久
自奉如寒素是以君子察其行而考其言推其用心而
需其柄用以福生民利國家而天不憖遺遽云以歿嗚
呼夫豈斯人之不幸哉公所著書有大學億老子億湯
書詩春秋等億諸史論斷大學衍義論斷批點六子書
及韓柳歐蘇文若干卷公於書無所不讀精擇強記妙
契疾書其所論著義理深則剖抉明當自陰陽律曆醫
卜農桑刑名地志之類靡不通貫曉悉焉曾祖諱復禮
祖諱綸考諱琮贈吏部郎中配李氏生公公生成化丁
未享年六十有一卒嘉靖丁未七月二十一日訃聞詔
賜祭葬如例元配李氏封宜人繼張氏子男三人長幼
康舉於鄉次幼廣幼庶女適曹珮往予承乏吏部以待
郎掌部事時公爲驗封郎中特越常序奏改公爲文選
予以此忤用事者至是幼康以神道之文爲請曰知先
人者莫如公然則非余誰宜銘銘曰
世每遷誘襲利僭見所可赴若湍奔往往競取以爭喧
有篤君子視浮雲避遠聲利耳不聞退然雅志樂邱樊

玩心高明究典墳卓爾大雅實不羣成均銓署揚令芬
貪者可廉薄使敦翮兮謝世遺垢氛有考其不在斯文

明故通議大夫兵部左侍郎陶公神道碑

敬皇帝在御承 列聖理化熙洽之餘恩仁深流風教
彌篤學士大夫多端恪鯁亮而一出於惇實發諸言議
施諸政事隨其所處咸有利於國家生民雖歷險難不
易其志其用不窮蓋至於今人倫風軌未嘗不賴之也
以予所知若前給事中今少司馬南川陶公非所謂若
人者耶公諱諧字世和起浙省解元登弘治丙辰進士

入中秘已而授職諫垣公遇事敢言首視之

武宗時權奸擅政事多內降公直言駁正無所回
疏有曰遠讒佞以一政令修人事以弭災異戒逸遊以
保治安皆指切持政而戒逸遊一疏斥言大閹邱聚劉
瑾輩蠱惑之罪是時瑾等日伺公所爲思有以中之从
無所得乃以他事杖公落其職隨有旨責廷臣朋黨罷
輔臣劉謝二公及知名士五十有三人而公猶列名其
中既又搜織逮公下之詔獄與尚書劉公大夏潘公蕃
同謫戍肅州公怡然就道在肅日與二公酬詠或感物
興懷繼繼忠厚托諸比况有古作者之意焉瑾誅放還

家居卷十年爲嘉靖改元 今上皇帝嗣位采錄天下
舊德各人所起公臬司由僉陟副薦陞藩岳之長始任
江右繼則皆在湖南澤敷政行乃擢中丞督理南贛江
漳等處軍務至則條數事奏行曰重守令專分守寬農
民懲貪吏凡以重本厚生防患去惡爲務兩廣總督員
缺遷公少司馬仍兼臺秩往蒞之先是羣盜久負遐阻
不可悉平公隨在撫勦賞罰信必所向克捷前後俘敵
以萬計所輯寧蕃嗣以千計公推讓羣力不以自張雖
荷恩資金幣而人以謂未稱其功也以母喪歸服闋起
公入贊兵本公閣 遊機宜羽儀朝行物望攸屬嘉靖辛

丑以 廟災陳乞避位遂 致仕歸君子惜之云公誠
毅直而遇事審慎發必當理風節在諫垣善政在蕃服
勲績在臺憲而行義在鄉黨弗履考終靡憾也已陶系
出靖節之後有爲台守者因家于台自台徙會稽之陶
家堰曾祖諱仕成祖諱壽考諱慥咸有隱德祖與考以
公貴俱贈兵部左侍郎兼左僉都御史妣章氏封太淑
人配沈氏繼配楊氏贈封皆淑人子男三長師善次師
賢皆國子生次師蓋孫男十三人大壯中順天鄉試次
大原大升大受大臨大節大成大恒大晉大猷大欽大
典公以嘉靖丙午十一月二十八日終于正寢年七十

有三訃聞詔賜祭葬如例以其年月日葬於某山之原
曩余登朝與公相後先獲質其風采言論及觀履險大
節屹然壯之蓋未嘗不歎夫豐芑之遺也今追懷耆宿
不可作矣師善請書諸神道之石予重有感焉能不為
之辭銘曰

惟聖有言仁必以世 明運洽隆曰在弘治出議盈庭
藹藹多士顯允陶公惇良茂達蚤升峻科亟踐諫闈帝
學緝熙至道陳納壘壘夙宵慮其遺闕羣暨竊柄炎警
沸天公諍不懾直也如弦卒罹毒罟投戍遐邊入則曷
堪公不為病流離艱羈不廢賡詠六龍時升氛曠清廓

僕文成登起公臬岳爰自江右久歷河壻榮問以流惠
乎孔宣乃卑旄鉞往蒞虔臺建策發政務先綏懷遂陞
貳卿司馬之職仍建臺蠶百粵是即既仆而亨物望所
歸薦荷 皇眷還之夏闈懸車乞身以佚以息弗究厥
施論者為惜邦失老成士懷遺直勒辭豐碑觀示無極
明故嘉議大夫南京都察院右副都御史趙公神

道碑

公諱載字文載初舉進士各君琰 武廟御賜今名蒲
州垣曲人也曾祖諱郎登洪武初進士為監察御史巡
按北平以風裁著稱祖諱信隱弗仕考諱鶴以公貴贈

奉政大夫戶部郎中母普氏繼母衛氏贈俱宜人公中正德丁卯鄉試辛未進士授戶部主事陞員外郎郎中奉命督漕上疏極言漕政利病各藉藉起陞陝西叅議撫治商洛嘗勦劇寇有白金寶鏹之賜土魯番侵奪哈密爲邊患總督遂菴楊公知公才薦爲甘肅兵備副使時議者欲掩魯番擊之公言外攘必先內治宜實糧餉利器械固堡寨謹斥埃用間諜及倣趙克國墾田故事食足兵乃可舉否則虛內事外徒啓邊釁疏上議遂寢公於是銳意屯種開鹽召商實粟塞下期年而士氣大奮所戰克捷番酋牙木蘭帖木哥等率衆降者萬餘人又酌屯田便宜十數事條上俱獲允行陞陝西叅政仍兵備甘肅遂陞都察院右僉都御史巡撫其地仍兼理屯政公稽歲所入以革宿弊人不能爲欺邊方素不知學爲擇師儒以教學官弟子諸番入貢每乞增額公奏請遵定制驗放以省供億減鹽引課令本折兼輸以便商賈虜至督將士出戰凡所斬獲親覈功次以明激勸守邊數年政績大著陞南京都察院右副都御史提督操江既去任猶陳邊務十二事曰此吾所已試者俾後人守之耳然是時言者擿他事劾公奉旨聽勘久之事得白衆望公起復用而尋已不祿矣公生成化壬寅九

月初五日卒嘉靖癸卯十月二十五日享年六十有二
訃聞 詔賜諭祭命有司營葬復以邊功祿其子應豐
爲國子生蓋異數云配呂氏有淑行累封恭人子男一
訃應豐再娶許氏皆太宰襄毅公孫女也於是少傅松
臺翁屬高書諸神道之石曰趙吾媼也予重翁命不敢
辭又昔在禮部得公建議諸疏閱之蓋公器局闊大有
經畧材而文學亦優贍所著有西戎議畧兵備督儲總
撫諸奏議及畫貽漫興解頤諸稿若干卷藏于家銘曰
蒙古克國治兵最良墾田塞下制伏戎羌 明有中丞
夙聞將畧治職邊陲干城是託蓋彼番夷寇我疆場哀
議出師公飛先食野有耕獲廩之印時備邊帥以寧老舊
來歸孰構煩言而成營棘人譽用多卒枉以直公則陟
家衆望復起天不憖遺一疾而止 帝曰念哉其有武
功殊章異渥以資其終蒲山之原仡仡新陲瓊勒有詞
過者式焉

鈐山堂集卷第三十七

鈔山堂集卷第三十八目錄

神道碑

明故少保兼太子太保禮部尚書翰林院學士贈

光祿大夫諡文通費公神道碑

明故正議大夫資治尹兵部左侍郎兼都察院右

副都御史贈工部尚書濬公神道碑

明故資德大夫正議上卿太子少保兵部尚書贈

公神道碑

明封資政大夫兵部尚書發公神道碑

贈通議大夫南京兵部右侍郎顧翁神道碑



明大中大夫光祿寺卿致仕西愚陳公神道碑

明故資政大夫兵部尚書贈太子少保東崖翁公

神道碑

餘山堂集卷第三十八

神道碑

明故少保兼太子太保禮部尚書翰林院學士贈

光祿大夫謚文通費公神道碑

山右仕族之盛其在廣信若鉛山之費少保兼太子太
尚書大學士鵞湖公以倫魁至元輔殿論文憲其從
少鍾石公復以宮端翰學荐陟宗伯加少保兼太子太
保終于位天子賜以卹贈之典易名文通後先競爽
慶鍾一門嗚呼盛矣而考公之先積德深厚所由來者
遠曾祖諱榮祖諱應麒應麒生五子曰珣及瑞並發賢

科曰瑄舉進士其二隱德不仕而曰璠者文憲之考曰
璠者公之考俱贈如子之官時人擬之燕山五桂云公
諱宗字子和幼嶷重如成人讀書強記臨文屬對出入
意表舉丁卯江西鄉試辛未會試廷試咸居高等選翰
林兼言士授編修時逆濠陰蓄異志謀復護衛文憲在
位持不可公娶同郡婁郎中性之女濠妃之妹也故
連濠屢以意屬公公外遜色詞而實陰折之濠因切齒
貽中貴出內批勒文憲與公皆致仕乃益毒數于公家
門戶幾不保濠敗 今上皇帝入正大統薦者誦言公
守正被禍詔起文憲及公俱還原職公入侍講進
修武宗實錄成陞春坊贊善尋陞南京尚寶卿改春
坊庶子兼侍講掌南京翰林院事陞南京通政改南京
國子祭酒文憲再召未入京北祭酒缺朝議將移公補
之公以嫌辭陞南京禮部右侍郎改南京吏部右侍郎
蓋公六轉居南既十載餘矣於是召為兵部左侍郎
上念公舊講臣兵貳非宜適翰林員缺內閣以公請改
禮部左侍郎兼翰林學士掌院事又命公署國子監事
既乃拜禮部尚書仍兼學士掌詹事府事甲辰廷試克
讀卷官是年秋禮部缺尚書遂命公管部事 太廟成
加太子少保丁未加太子大保賜飛魚服數奉召入西

內賜直廬其他服采金幣之賜不可勝紀戊申八月加
少保蓋是時公受 上殊眷卽有爰立之命而是歲十
有二月之十三日公忽遘疾以卒論者惜焉 上聞而
問曰案得何疾猶以撰文金幣追賜其家公之在翰林
也以經術勸讀色溫氣和規益婉切爲同列所稱服爲
文章平正雅暢詞采溢發於凡應制之作無不克稱
上意識達政體居南雍嘗陳六事居宗伯以地震陳八
事悉見允行與人交和厚易直推賢讓善人樂親之公
生斌化癸卯二月距卒享年六十有六元配婁氏繼吳
氏俱贈夫人子男五長林 學以廕授左府都事陞後府
經歷調詹事府主簿次懋 升懋謙同壽有壽女三適大
學生詹翔鶯餘幼懋學卜以 年 月 日葬于邑
山之原而拜泣請墓碑憶在正德丁卯之歲予爲編修
公計偕來京以文憲之意來訪于予公時妙齡秀發德
器粹溫予固深重之其後予掌南部公任翰林居相連
也出入時接軫相得甚懽逮今凡四十年同時交舊鮮
有存者宜懋學之有請於余也然公歷官行事之美與
夫 宸眷寵錫之隆顧又不可勝書書其大節亦足以
概公平生而傳信後世也 已系之銘曰
繁費之先由蜀來遷於信之鉛兮爰家橫林世載德音

發源洪深兮倫魁上公位致顯庸碩大以崇兮逆藩猖
狂扈跋鴟張疇扼其吭兮大義獨持罔恤爾私屢蹈于
危兮廼邁昌辰 皇運維新既詘而信兮經幄論思成
均作師令聞以馳兮颺歷 兩都春卿贊謨荐加三孤兮
顯顯德門萃美弟昆莫之與倫兮 皇眷特殊期秉政
樞苟不少須兮有位有年有嗣而賢世澤之延兮佳邱
孔安豐碑桓桓名以不刊兮

明故正議大夫資治尹兵部左侍郎兼都察院右

副都御史贈工部尚書潘公神道碑

公諱旦字希周世居婺源之桃溪里稱望族從父珍官
少司馬從兄鑑大司空從父濬大司徒 公幼武 聰
穎文昌正貳冠珮相映一時位 籍鮮與倫比公賦資淵
篤績學醇貫持行飭於勤必圖事徹於機宜初舉進士
授戶部主事以能慎著各陞郎中都運真州時流賊嘯
聚運道多梗公悉心督理轉漕無滯擢守淳郡郡故多
海寇聚散出沒洪洋絕嶼莫可驅除然非土之豪黠陰
爲之主彼亦莫得肆公至廉知其狀取豪黠數人寘之
法寇以不來丁內艱服闋復守邵武時中官鎮守及市
船橫括民錢物公裁之不得逞聞俗訟好株蔓連牽至
數歲或不解公痛爲懲劓變其俗歷陞浙江按察副使

江西按察使浙江左布政使嚴繩寬布官舉其方法立
而志行陞都察院右副都御史撫治鄖陽以平劇寇功
詔賜金幣改留都理卿復改少宰召入爲少司寇山西
慶成府宗藩相訐久持未決公奉命往鞠得實以聞
再勸永和府事人咸稱平改少司馬復兼中丞往督兩
廣軍務時安南不庭詔用庭議起大司馬毛公伯溫率
師討之毛方在制公適道其里見公語之曰安南恃其
險阻叛服不常久矣若兵興禍結連歲月未可解資餉
不繼奈何公宜終喪辭諸朝可得緩師俟其聞命求貢
因而撫之此萬全策也語不合去至廣因得安南不貢

疏言夷狄之國本無人倫吳登庸之篡黎氏亦季

之篡陳氏也今若緩師移檄以問其罪彼必畏懼修
貢俾無失臣禮而止不問其他此帝王治夷以不治之
法也疏入毛公遂劾公不任戎務詔公回佐留都部
事公曰吾謀既不用祿可苟乎遂拂衣歸然安南之事
後亦如公議云公家居十餘年不復至城府獨聞人有
急周之惟恐後歲旱徒步率鄉人禱雨爲粥糜以哺餓
者久之家日落而公陶陶然終其身不以爲憂也以嘉
靖己酉八月十有二日卒距生成化丙申享年七十有
四計聞朝廷勅營葬諭祭如例特贈工部尚書加等

也大父貴廉父傳賢並以公貴贈都察院右副都御史
母戴氏配程氏贈封皆淑人子男四長曰縉錦衣衛經
歷次紳次縉郡庠生次綸女三孫男一縉等將以其年
月 日葬公于郡城北飛布山之麓具狀來京師請予
銘諸墓道考公歷官所至以剪姦平慝著稱至安南之
征兢兢焉執止戈之義是非拙於用大其爲 國家計
深遠矣雖以是歸不再出公之心豈復有所不足哉余
既爲公同年友又嘗同官留都 不敢謂不知公者銘其
可辭銘曰

梁陽之潘有鶴厥緒派流新安 遷茲誕聖有中臺六曹共

號寄廬叔姪弟兄聯 其羽惟公茂樸鶴鶴自裁握蘭

畫省飛隼雄邪寇攘 遠儉健爲良兩郡稱理其聲洋

洋乃陟廉訪乃登翰藩 乃擢中丞建牙郎山旣撫流集

亦定寇姦 帝有褒言 金繡煥頒長理貳銓陪都進列

入佐秋卿讞議平雪閔 畧精裁卓其章徹晉秉鉞旄往

臨百粵南交篡奪不貢不王 皇赫斯怒我武用張性

公建畫文告是將無破我斧無缺我新闢南郎西以武

威礫豈其重膺而斯巽 孺保大定功安民則裕謀既弗

售投綬以歸嘯傲溪月 詠歌林扉惠由鄉洽行從世遠

其業不究其名不墮負 郡之山飛布之麓鬱鬱其靈曄

韓其沃公乎斯藏千秋定卜篆辭于碑過者仰賜

明故資德大夫正治上卿太子少保兵部尚書陳

公神道碑

公姓陳氏諱經字伯常其先自閩徙家青州益都故今
爲益都人公之祖諱俊以孝第力田隱於鄉父諱慶尙
義輕財號海春翁皆以公貴累贈資政大夫戶部尚書
公舉正德庚午山東鄉試甲戌登進士第觀吏部政乃
奏記冢宰楊公論說時政數千言楊公獎重之選補兵
科給事中嘗奉命查盤薊永遼東軍儲先是按事者每
以嚴法繩下人用不

不事苛刻陞右給事中

皇上登極首論新政其一爲

端大本以隆大化勸

上法古帝王守祖宗成憲其一

請究治先朝遺奸言皆剴切時論避之陞通政司右叅
議歷左通政冊封鄭藩充正使陞通政司使尋轉禮部
左侍郎仍掌司事四方所上章奏躬自檢閱不憚煩勞
陞奏儀度秩秩上每屬目器之已而陞戶部尚書總
督倉場兼管西苑農事歲運邊餉仰給太倉公殫力會
計釐革宿弊公私允賴苑田產嘉穀多岐之瑞賜白金
彩幣會通政使缺廷議以公閑於其職復推公改禮部
尚書仍掌其事未幾詔改兵部尚書入柄本兵兼提督

團營軍務時值邊警條上軍國要務七事詔皆允行時
公歷二品已六載特加太子少保公感知遇殫盡智慮
調度防邊諸務至廢寢食竟以積勞致疾家卧乃具疏
力辭 上允致仕特賜給驛以去比年廷臣鮮有獲此
典者實異恩也公去久之 上意猶念公不置今年總
督倉場員缺詔復以戶部尚書起公于家命下公先期
以疾卒矣嘉靖庚戌二月四日也距生成化癸卯十二
月三日享年六十有八於是其子工部都水主事夢鶴
請乞卹典 上詔所司 諭祭營葬如例初公被徵恙甚
實之前日忽令家人具 盥櫛正衣冠北向舉手加額曰
吾受國厚恩平居未嘗行一不義存一不仁以負朝廷
嗚呼可謂得正而斃者已公性誠篤簡伉立朝垂三十
年門鮮干謁性嗜吟咏意不求工而泊然自適所著有
詩且堂集出塞集近雲樓稿東渚小稿并奏稿若干卷
藏於家配蘓氏有賢行累封夫人子三人長即夢鶴次
憂草以廕任宗人府經歷次憂璜女三俱適仕族孫男
女五人夢鶴等卜以 年 月 日葬公雲門山之原
而請予請文其墓碑予與公同朝久不克辭故序而銘
之銘曰

由閩而齊厥系綿居齊積德世有傳慶鍾尚書仁且賢

東名科甲聿騰騫瓊閣獻納聲隆然銀臺奏事近
上
前雍容雅度儀罔愆春卿司徒位屢遷擢任司馬握戎
權云胡疾遘賜歸田 帝思舊德仍惓惓天書再徵寵
命宣曷不待兮忽殞年 雲門有宅東海塙恩光赫奕燭
幽泉銘詩紀德豐碑鐫

明封資政大夫兵部尚書翁公神道碑

嘉靖己酉秋八月七日封資政大夫兵部尚書梅齋翁
公卒于家再越月訃至京師兵部尚書萬達公嗣子也
祖括爲位以哭公卿大夫咸往吊予往吊則泣拜曰萬
嗟不孝縻于官守不獲躬視含歛罪莫可贖惟是神道
之文所以不朽我先人者惟公是所焉予諾之益尚書
負文武才項歲經營四方南定交趾北禦強胡勲烈懋
著比入柄本兵 天子倚重至形諸 宸札謂干城之
託不可釋公乃今遭大故以去則所以表先德以慰其
孝思者予曷可以辭哉按公狀諱玉字文璜梅齋號也
先世莆田人有秀峰隱士雄者始徙揭陽之鮑江子孫
家焉雄四傳至可鄉人稱爲義叟者公之父也自秀峰
至義叟代有陰功而義叟尤嗜書好古顓顓守善然義
叟鮮兄弟卒以寡助阨于讐家公生而闕朗有志問學
爲父辯冤詣吏十又八年已乃家計窘甚又連值大喪

不克卒業猶時時誦說經義授里中子弟初秀峰隱士
之徙鮐江也曰此地濱海山攬有其勝他日必生碩人
而公以已廢學弗克成祖志爲憾及尙書生有奇質則
撫之曰其在茲兒乎乃自誦說經義以授尙書海鄉居
人漁尙書幼時戲漁公見恚怒曰而不聞考亭沙中畫
卦事而顧以居人之業戲邪坐客有言顯貴人富田宅
者尙書待側公正色曰丈夫際世運當轟轟有所樹立
豈以是爲哉尙書登進士第服官政公自家貽書必勉
之廉慎訓憲廣西時左江有兵事公書以妄殺爲戒故
尙書征新藤輯南大未嘗上首功安南之役建議撫納
卒不煩師平定亂國守其家訓也尙書歷官久歸倦于
公公爲置義田供祀事卹族之孤寡貧乏者又購地建
亭月旦集父老讀鄉約其中以化導鄉人平生足跡罕
至郡邑嘗以尙書巡撫陝西一就養所過有致金爲壽
者公從容謝却不爲露陝士夫聞公來幸一見旣見公
容止楚楚無不歎服者會尙書受命督朔方軍公乃
歸鮐江公初封承德再封中憲每念義叟不及命輒愀
然不樂比封通議大夫兵部右侍郎又進封尙書皆得
贈義叟如所封乃始大喜曰足酬吾願也尙書旣聞喪
陳情乞卹典天子從其請詔賜祭葬如例嗚呼榮矣

論者曰公之居鄉也歲歉爲有司主賑事序給惟允不足益以已貲鄉人多所全活盜劫其鄰公纓冠往諭曰虛貧不仁盜愧謝解去卽海寇過公里亦相戒勿犯與漢史稱陳太邱事適相類若公者豈非篤行君子哉公生成化甲午九月距卒享年七十有六配許夫人有闔行早卒尙書母也繼楊恭人又繼黃夫人子四長尙書次萬紀萬程萬達女五咸適名族往年尙書葬許夫人於鐵場山之陽至是奉公合焉禮也其銘曰

行已而爲君子錫命而至上卿 恩封屢馳郵典具膺 迄今之氓胡不作善於人 是徵述行有文觀者其興乎

贈通議大夫南京兵部右侍郎顧翁神道碑

南京刑部尙書顧公應祥往年以都憲巡撫雲南聞母夫人之喪不候代奔歸坐論罷職久之 朝廷召起再撫雲南進南京兵部右侍郎召爲刑部尙書復改南部以前三品秩滿追贈祖及父皆爲南京兵部右侍郎於是例得樹碑墓道公乃自述狀告于嵩曰不肖跽伏山林一十五載榮進已絕望矣其獲有今茲者 明天子起廢之恩也先君之遺也墓石之文敢以請嵩與公同年進士誼不可辭謹按翁諱景字永暉世家蘇郡長洲隨伯父仕湖州娶於烏程楊氏遂居烏程再徙長興性

恬澹不嗜利顏所居之齋曰恬靜以見志精岐黃之業
志在濟人不責其報生子而才雅有植槐之志乃躬自
訓迪不遺就傅尙書領鄉薦翁挈之北上尤督課其業
戒勿接人事尙書舉進士 孝廟上賓奉命採史事於
南畿翁與俱南暇則令習律例及爲饒郡推官翁復至
任恒以平恕哀矜爲訓然密處廨舍三載卽察案無知
者尙書被徵以年未三十授錦衣衛經歷翁乃得封如
其官旣歷陞山東按察司翁又以例晉服色與子同然
翁素性冲約廉介取予毫毛不苟室廬田產如布衣時
無曾益者一監司行部至里人有以事于者懷金爲壽
翁竟拒之曰吾訓子以廉乃自贖乎尙書雅重精練因
廳廟器而所以淬礪成就之者由於翁也及自滇南罷
歸翁安之曰蒙譴以親可無歉已尙書侍色養十餘年
公壽躋耄耄步履食飲強健如少壯家庭之間益訢訢
然樂也嘉靖己亥四月 日以疾卒享年九十有一高
祖壽一祖伯通皆隱弗仕考諱昇贈如翁官娶楊氏初
封安人後贈淑人生子四長應禎次卽尙書次應時縣
學生次應元國子生以某年 月 日塋于 山之原
銘曰

惠施不言寓跡在醫訓子而學身自爲師子出與出子

隱與隱弗以利遷安于義命惟是善積于慶有餘碩大其門爰及尙書如堂斯構如畜斯獲壽越九齡福履康樂湛恩鴻龐厥在身後既晦用章時乃天道樹之隧首昭德有文顧渚之陽令懿永聞

明大中大夫光祿寺卿致仕西愚陳公神道碑

陳氏世家餘姚以宦業稱公諱煥字子文居鄰學宮曰吾西家之愚夫也因自號西愚曾祖孟雍贈吏部文選郎中祖雷封彰德府同知父廷敬薊州判官公爲湖廣叅政時以太廟恩得贈祖及父如其官祖母孫氏母

于氏皆贈淑人公初以禮經魁浙士既舉進士受工部都水主事董漕艘于淮丁內艱服闋補營繕未幾疏改

南京由南京刑部主事員外郎歷禮部主客儀制郎中陞廣西右叅議雲南提學副使湖廣右叅政江西按察使布政使入爲光祿寺卿致仕公天性醇厚居官以仁恕爲心至義所不可不爲苟同當在淮時武宗南幸巨閹悍將從所過大索賂莫敢違者公曰禍福命也何以賂爲弗賂亦不及于禍在廣右分守柳州猺獞出沒爲患叅將沈希儀領兵界上欲誅之公謂之曰猺不可盡雖兵之不能止其患不如諭之義以恩信撫之遂與希儀入其境召諸酋長更爲約不犯則賞之諸酋長大

悅聽令擁輿迭出境竟不犯柳州滇南士習異中土公
之教切切惟安貧惟執義以廉節爲先幸之自躬士由
是知方焉歲己亥 今上駕幸承天所過有司或坐供
張不具得譴湖廣撫臣以奉迎事檄公公條其鉅細罔
不飭備復奉檄督修 顯陵公殫力程工務極壯固稱
上意而諸監視及承事者因緣乾沒皆不得肆告成
詔進一階有金幣之賜一日渡漢江大風雨舟幾覆
衆擁公泣公乃命舟人拯溺者活數十人竟以無虞任
江西獨四年安和寬簡官民便之吉水豪某者依山阻
水恃力與有司抗乃逮至庭下察之憐人也登其死
之卒改行爲良民所行每若是光祿典內府請蓋餘中
貴率溢額以需公披籍應之中貴頗不便因搆語中傷
之公於是浩然有歸志會歲考察諸大臣例得自陳公
稱老乞歸甚懇 上乃可其奏公歸則開圃於舊第之
西南壘山鑿池蒔花木構亭其中中有八景皆以愚名
自爲文記之歲時約里中故舊賓客讌飲相娛樂飲輒
至醉醉更稱曰余醉愚醉也然則公誠自託於愚者耶
其爲士者曰西愚公豈真愚耶嘉靖庚戌十二月三日
卒享年七十有三配胡氏封淑人子五人長陞早世次
擇次陞皆舉進士墀延平知府陞翰林編修次覲國子

生次墜女一人適建寧知府王正思孫男四人銖鋌鈗
鑣會孫男三人清濂澤公之所履兩途 大符一治
顯陵他人或惴惴慮不免而公皆因之以有譽名柳夷
之畫宣恩以樹威漢江之危急人而忘己吉豪之獄捐
文以得情蓋仁厚成性而智足以行之因材遠識固去
倫類什伯至其亂嗣昌繁科第踵接則所以章及人之
報紓用世之猷者有在矣公塋有日陞乃馳書京師以
少宗伯孫君狀請余述文樹之墓道予素辱公知愛陞
又為諸生肄業館下誼弗可以辭銘曰

稽山盤延東海之渙介為姚江英賢藪

疑有律陳公

其粹美如玉之溫若絲而理著聲省署

勿秋蕃宣惠流

菁峒信解戈鋌乃登學憲振鐸南溟教 隆風節士化陶

誕荆為潛邸 園陵之邑 車駕赫臨 百需孔亟公處

裕如悉辦以集孝典隆成 帝恩駢及江右之政號稱

優優郡邑承訓兵民仰流入長光祿不副其猷浩然止

足得告而休惟公所秉明達敦良在繁益壘任重彌光

宦轍所至惠愛洋洋蠻貊可行顛沛不忘公之施用不

朽者存公之福澤裕其後昆繩繩紳舄郁郁蘭孫述此

銘詩刻在墓門

明故資政大夫兵部尚書贈太子少保東厓翁公

神道碑銘

夫有強毅閎達之士出則經營四方隨試而效歸則悠然自適於邱壑之間若無與世故者此其志有不羣所養有不可涯浹者矣至乃履蹈險艱弗克大展其用用矣奄忽而逝曾不少待嗟夫天之生才何其難而奪之何其易耶東厓翁公之歿也其弟國子生萬程使來告哀而以神道之文爲請公負文武才干城之寄維公是賴廼天不憖遺可不爲天下慟耶予託交于公號知己文惡乎可辭公諱萬達字仁夫潮州海陽人也翁之世系予嘗銘其先尚書梅齋公之墓已詳蓋自梅齋而上

世有隱德公生而舉止不凡梅齋異之曰是將大吾門乎弱冠文名籍甚嘉靖乙酉舉鄉薦明年登進士授戶部主事陞員外郎郎中以才陞梧州知府梧民夷雜居號難治蒞郡四載威惠並著安南久不貢詔出師問罪卽擢公廣西按察副使經理其事督兵於南寧公密募敢死士入莫登庸地盡得其購藥淬刃置毒上流截筒陷馬及賂關吏佯傳襲廣東以撓我諸狀乃下令敢有與賊通者磔于是能擒賊獻者賞百金龍州憑祥州土舍趙楷韋應李寰爲賊腹心口伺我事竊告之公白督府曰三兇鼎立二州之間威不可宿勢不可迫應懷懦

寡慮須旦夕擒斷其中堅則楷寰可次第獲也督府卽以屬公三賊者果就縛論死二州已定左江斷藤峽徭蠻據險梗化非一日矣適酋弟曰公丁者謀衆扇亂公計擒之乘勢攻諸巢賊皆破遁斬獲無數撫其餘黨向順者三千人藤峽悉平四峒介思明忠州之間所隸不常府與州互爭莫能歸一公建議以其地割屬南寧特設撫民通判一員治之築城署分保甲尙民權躍稱更生土人黃賢相素鴛鴦稱兵脅衆至是亦還所侵地登庸聞內寇輯寧乃始大恐請納款如期會陞公浙江叅政督撫上疏留公改仍廣西叅政是冬登庸詣闕乞降

詔罷安南爲都統使司宥登庸以不死授使職治其地是役也兵不血刃事以輯寧公之功居最擢四川按察使陝西布政使尋擢右副都御史巡撫陝西未幾擢兵部侍郎兼都御史總督宣大大同宗室有潛謀勾虜爲患者公廉以聞明正其罪旣而議築邊牆東自老營堡西踞滑石澗幾二百里增墩臺深壕窖工鉅而費省邊民賴焉數歲虜不敢晚卽少鈔掠無能深入乃曹家莊之捷尤偉諜報虜寇宣府時大同帥周尙文方幸宣府之無備而已獲安惡諜者之泄也杖而繫之獄公知其情馳疏告急請卽以尙文責往禦賊 朝廷從之勅

尚文兼程赴敵公廼躬擐甲督兵爲援虜不虞其猝
至也大驚密遣公又督尚文追擊出境捷聞 上嘉悅
陞兵部尚書兼右副都御史尋召柄本兵在鎮以築邊
獲奸奏捷錫金幣者六廕子者二公惟一子辭廕不允
乃請以廕其弟萬程焉在本兵數月奔梅齋公之喪明
年虜犯畿甸廷議咸請以兵革奪情起公 上特召爲
兵部尚書驛使數輩趣之公聞命哭辭几筵卽日就道
道遠不能卽至 上屢問曰翁某至未耶旣至上章待
罪命奪秩候用數日命以兵部右侍郎兼都御史經畧
紫荆諸關公墨纒治軍事心苦形瘁足疽忽作疏乞歸

終制而疏中字訛誤

上怒斥爲民先

人逆黨奉命處

州其麾下卒擾民公嘗答之又得其索 登庸之路鸞故
切齒恨公數中傷之公去踰年鸞以逆戮公之忠誠益
著 上亦思大用公會本兵尚書員缺遂起公于家無
何命下而公不逮矣公謀慮精審沉毅善斷據牘書奏
論議泉湧蠡發迅不可制故能達變濟權動有成算古
稱王佐才庶近之矣襟度坦夷與門人故交談經論文
疊疊不倦風好山水興至窮幽探勝泊然忘歸其免歸
也慕武夷鯉湖之勝携僕遠遊旬日抵清流疾作謂僕
曰亟返吾將逝矣舟次上杭而卒疾方劇仰天嘆曰已

矣乎受國厚恩無以報也問家事不答卒之二日方抵家而殞越四日而命使臨門遠近聞者莫不咨嗟涕洟感上之不忘公而惜公之不及見也所著有稽愆集平交紀畧總督奏議若干卷藏於家公生弘治戊午距卒嘉靖壬子享年五十有五配張氏先卒繼孫氏贈封皆夫人子二長思仁早歿次思佐甫八齡廢國子生女二許聘都御史鄒守愚之子廸參議劉子興之子字泰公既卒家人請乞卹典 上詔所司論祭營葬如例卜以 年 月 日葬公于 山之原公所自營者銘曰

海山與區純江之族炳靈萃英生此國士材闕器頑充武允交服勤中外以建茂勳督師於南而土底定專闢朔方恒以謀勝廼膺宸眷兵本是司國有柱石士有蔡著讒忌屢嬰忠誠彌勵進不辭難退則勇逃 帝曰念哉起公于家云胡詰人而享不遐于里裝糧曰採名蹟一往弗還公則何適公神不死公志未酬或在天壤與元氣游或驅風霆揮斥八極以殛強胡以殿王室勒文樹石永昭德馨我詞弗作以告于冥

山堂集卷第三十九目錄

墓誌銘

明故衍聖孔公墓誌銘

明故安平侯方公墓誌銘

明故資政大夫禮部尚書兼翰林院學士贈太子

太保諡文恪溫公墓誌銘

明故光祿大夫柱國太子太保刑部尚書張公墓

誌銘

明故資政大夫刑部尚書贈太子少保諡襄簡高

公墓誌銘

山堂集卷第三十九目錄

明故通議大夫兵部左侍郎贈都察院右都御史

潘公墓誌銘

明故通議大夫都察院右副都御史吳公墓誌銘

鈐山堂集卷第三十四

墓誌銘

明故衍聖孔公墓誌銘

先聖孔子修明帝王之道以詔後世繇漢以來世主既崇祀之又爵其裔孫一人使主祀事曰褒成奉聖文宣代殊其稱至宋始封衍聖公然猶兼領他職或止署焉耶其秩視上公品高位重專宅闕里以恭奉廟祀惟我朝之制爲然其所以崇寵之者視前代爲至弘治末衍聖公弘緒以疾告於是成菴公以世嫡承襲其爵公諱闡韶字知德宣聖第六十二代孫也年弱冠召至闕下

美風儀 孝宗皇帝面賜玉帶麒麟服人感榮之時少
得西涯李公名重海內登公于門歸以其子一時傾動
朝著有永玉之稱焉正德改元視學召公爲分奠官命
坐彝倫堂聽講賜茶仍賜宴禮部賜衣帶寶鏹丁卯入
賀賜御製廻文詩庚午復入賀屬疾命醫診視頒賜上
尊珍饌夫人以歸寧卒于京邸詔遣官諭祭驛歸其喪
賻給甚厚 皇上兩視學皆驛 台公觀禮而常賜外加
賜金織麒麟緋服一襲及冠帶 以示優異公每值
一萬壽聖節則率表 八賀比歲 心疾艱於壽起然尤力
勉以來甲辰復來 溫古 兔其 壽等疾甚

卒于家丙午二月十一日也訃聞詔賜祭葬如例公生
成化壬寅八月十八日享年六十有五元配李即西涯
公之女繼配衛宣城伯璋之女封皆夫人男子二人長
曰貞幹今襲封衍聖公次曰貞寧女一人許聘尙書李
公廷相子孝元孫男一孫女二公性質敦重不苟言笑
識達世故施于有政厥績爲多孔氏祭田彌祖尼山洙
泗二書院各設學錄一員典教事鄒縣故有子思子祠
特授公弟聞禮爲五經博士使主祀事皆從公之請也
闕里故有志殘缺公嘗請于西涯公輯之以成鉅典劉
蕺之變疏請城闕里而遷曲阜縣創義倉以歲給三氏

子孫之貧者其所建立章章如是事繼母袁夫人及生
母江以孝稱居喪一準禮制而友愛其五弟尤至弟皆
先卒撫其孤如子敬禮士大夫來謁闕里者皆款接盡
懼焉將以明年 月 日葬孔林家塋之次貞幹等以
狀來屬銘銘曰

維孔有家實肇洙泗聖有遺澤施于世世崇德象賢
組攸嗣爵之上公始我 明制洵美成公宗聖主祀濶
溫其恭淑慎爾止歲朝京師罔有愆禮享有牲醪
賜第都人來觀宣聖之裔曷不復來溘云其逝 皇有
異恩軫卹彌至焯德贊休刻銘以誌

明故安平侯方公墓誌銘

嘉靖丙午二月四日安平侯方公以疾卒訃聞 上為
悼惜遣中官及祠部郎中一員蒞其喪命工部營葬事
賜諭祭凡十有八壇既又賜諡榮靖蓋公在朝廷為椒
房之親恩禮優重宜也公諱銳字廷器世為應天江寧
人祖諱臯占籍錦衣衛因家京師考諱永妣陳氏公體
貌豐厚為人敦重質實其始浮湛里中有相者言當大
貴公曰吾得為太平閒民足矣 皇帝嗣位九年詔禮
部遴選宮嬪於是 今皇后以公長女入選初冊立為
德嬪公以恩授錦衣衛鎮撫尋陞正千戶 后既正位

中宮公性都指揮使扈從 直駕南狩道拜後軍都督
府左都督既封安平伯復進封安平侯實食祿一千七
百三十石追贈曾祖祖考皆如其爵妣皆夫人公起徒
步至通侯寵異冠一時在恒情鮮不汰侈踰濫公獨持
以謙撫居常自韜戢 上嘗賜之第公取足居息不欲
大爲營造服用自常賜外未嘗過求非分由是廷中推
賢元配夫人孫氏先卒繼夫人侯氏嗣子一人曰承裕
今甫七歲女適張弘縉冠帶總旗次邵瀾錦衣千戶皆
孫出又次尙幼許聘靖遠伯孫王學禮側室王出公生
于成化丁未十一月十五日得年六十以是年三月

侍讀充選通議官丁於朝陽關之車營而葬有銘以請

德兼侍讀 上選用隱德其所由來者遠乃發祥委祉

陞侍讀學士修 武下公貴處戚戚而能執禮守分不

兼學士仍侍日講修所難法應銘銘曰

參議公年高奏乞賜內教肅成用儀四國塗山啓祚夏

蓋異數也 上將大治之陽俾彼安平籍世餘慶毓德

東關而公乞歸養甚賜爵五等之崇錫之土田車服是

綵侍逾二年封侍郎言履寵以約處盛彌謙胡不大耄

就徵如前官命史館恫屢使來視 皇有詔命恩卹備

尚書仍兼學士改禮事嗟哉榮靖第祿考終刻文茲石

車駕南巡奉勅留

迎於涿州 上賜白禮部尚書兼翰林院學士贈太子使扈視 章聖皇太溫公墓誌銘

畢資錫有加當是時五日禮部尚書兼翰林院學士溫乞歸甚懇 上惻然聞 上命有司給祭葬如例贈太病痊奏用恩禮甚厚公諱仁和民懷字也高祖子成仕臣體沉深善謀數抗成都華陽曾祖諱良蜀府奉祠副當以慰問代藩遣官有四子長曰琮官至布政使季曰夏撫臣以慶王不軌議之子也舉進士改翰林庶吉士及者而公言事未彰出補戶部主事瑾敗復爲編修

二十七日甲申葬公 繼母張夫人憂服除進春坊左諭

於予維方之先世有 公等六人日侍講幄賜金綺束帶

篤生 聖詔以母天 宗實錄克副總裁擢吏部右侍郎

祿不矜尤士大夫之 獻皇帝實錄復克副總裁公念

於惟化基厥由后德 封以己之官從之未考滿得封典

業以昌太姒初生 用公有尼之者乃以專管誥勅入

軒龍坤儀啟正微侯 力命馳驛以還加賜白金文綺公

庸公則祗祗似不能 公卒朝廷賜祭塋服滿後數年始

奄忽云逝 后聞震 經理御文又命攝吏部事拜工部

至儀曹司空襄其後部尚書掌詹事府事加太子少保

金華縣志卷之五
令問無窮

守京師 駕還 皇太子遣公奉

明故資政大夫金綵幣勞焉已而特命公克監禮

太保諡文恪后梓宮南祔 顯陵勤勤備至事

嘉靖癸卯七月二十 上眷注甚隆而公以病䟽再上

公卒于蜀之里第訃許之賜寶鏹給驛以行命有司俟

子太保賜諡文恪溫 近年所未有也公舉止端重有大

為蜀遂寧知州因案論國事大同之卒擁兵阻城公謂

祖諱彥中蜀府良醫因視卒罪狀可撫則撫之便又寧

璽河南叅議而公叅事聞請徙之高牆因與兵案誅從

後編修以忤逆瑾意白未可即禁錮請勅戒諭王不悅

而後論之以明朝廷議親之仁既而遣官簿問王果得

赦而夏人免于兵家圖像以祀曰活夏城者溫公也公

博學強記為文辭號稱爾雅嘗同考會試者再主考應

天順天鄉試各一辛丑主考會試其所拔錄多名士兩

克廷試讀卷官公所歷任侍從清選官至六卿然弗及

大克厥施論者惜焉生成化乙未十二月十有八日享

年六十有九元配何氏繼邱氏贈封皆夫人子三人顏

願俱舉於鄉穎廕補國學生女七壻王麒彭鶴年徐昱

張守身何察其二在室孫男一孫女三公卒時顏試禮

部聞訃哀泣以銘請于予予昔入院踵公後今四十年

來同遊之彥馳逝雲散不可復得矣予也薄陋何能爲
役哉而詎弗可辭爲之銘曰

倬彼岷峨雄蜀方炳靈萃秀發祲祥名材異產詎可當
挺生哲人國之望爲梁爲柱爲璋璋茂齡載筆白玉堂
手製雲錦分天章日侍帷幄陳嘉湯三纂帝紀金匱藏
顧俊多收麟與鳳更攄遠畧弭兇疆銓曹司空薦歷颺
秩宗三禮升文昌翩然謝病歸故鄉文星夜隕天西央
厥施未竟衆悼傷卹恩謚典輝彝章吁嗟百世有耿光
勒銘玄室昭弗亡

明故光祿大夫柱國太子太保刑部尚書張公墓

誌銘

張公字元瑞其先代州人永樂中以閭右徙實真
定古籍冀城曾祖玘祖得才父欽皆隱弗仕以公貴
贈封皆光祿大夫柱國太子太保刑部尚書母劉氏生
公穎敏異常年十九舉于鄉登成化甲辰進士授南京
大理評事陞寺副寺正凡居理寺十年擢守汝寧歷山
西叅政河南布政使都察院右副都御史巡撫湖廣入
爲刑部侍郎晉尚書加太子太保公歷事四聖更踐
中外四十餘年其在理寺剛直精慎刑讞駁正無所依
避以平允稱汝寧之政訟平賦均膏濡弘洽報政則拜

張公墓誌銘

七

孝皇燕服之賜解任則遺汝民銘頌之思時以為天下循良之首山右澤潞等郡歲饑公志切焚溺濟以便宜亟於傾廩緩於稽券所活民以數萬計厥後撫荆南值凶歲復以行諸山右之法賑之所活民又四十餘萬急邊圉謹儲備戒戎律飭官常撫若勦叛舉良刺頑罔不秩然各究其實為方伯河南鎮守巨璫恣橫不法公獨執其黨屬罪之而地方以寧及為刑部屢更諸大獄若逆藩鐸濠及逆瑾寧彬輩相繼不軌公優然決斷悉抵于法論者謂非守有定植才無卻流不能及也 介

上卽位特加眷遇屢荷白金彩幣寶鈔羊酒玉帶蟒服之賜三及歸省給鈔為路費感為殊典

貞壽三親在堂生膺一品之封朝廷命有司具牲米存謂夏最特異公以親老乞休皆溫旨勉留最後得請歸

天語諄切促其復來而公浩然雅志優游林下者二十餘年享年八十又八以終訃聞賜諭祭者九遣官營塋可謂福履備至也已公生天順八年八月三日卒嘉靖二十五年六月五日元配谷氏封一品夫人子男二長九鼎以廕授前府都事次九容早卒女三長早卒次適某某孫男二將以其年月日塋公于邑西先塋之次九鼎來請銘為之銘曰

法以威克當仁則廢澤以愛周於義則躡有偉張公柔
惠且毅明執邦刑窾卻無滯亦有惠綏換其下濟顯秩
穹階繇所自致 皇眷優隆錫寵蕃異才孰異之受大
之器福孰綏之展也純備刻石幽堂告于無旣

明故資政大夫刑部尚書贈太子少保諡襄簡高

公墓誌銘

公自刑部致政歸優游林下者十有八載嘉靖丙午三
月二十二日卒距其生天順辛巳正月四日壽八十有
六其子知府延紳卜某年月日葬于祖壠盤谷之左以

子素知於公廼來屬銘公姓高氏諱友幾字肅政溫州
樂清人也出宋太尉瓊之後南渡時高氏以宣仁戚里

曰世則者官至節度使節度之孫曰新七者愛樂清盤
谷之勝家焉子孫蕃衍人姓其地曰高畧入 國朝諱

宮者爲華亭令宮生譜譜生沔娶于陳生公公生有至
性母病朝夕湯藥衣不解帶以孝聞旣舉進士例得歸
省及奉銓檄赴選途感異夢覺而驚遂復歸而母疾危
克送終盡禮人以爲孝感服除授南京刑部主事歷員
外郎郎中治獄詳明諸司章奏悉資詳定擢守九江治
蹟爲十三郡最三載陞廣西叅政管田州府事田故夷
方險也土官岑猛者坐與族類構爭削秩詔以漢官撫

之前官懼而逸廣西撫按疏上謂非得優幹局識達權
變之人不可適公考績至京遂有是命衆謂夷性叵測
爲公危之公曰臣子委身之日也單車入田境宣朝廷
德威示以順逆利害始猛見公猶擁兵入衛久之乃遂
歎効束身聽命公立學訓士置堡五聯其衆歸被虜男
女以數百計田人帖服竟不煩兵而寇寢事平活千萬
人之命事聞朝廷宥猛且復其官因徙公內地顧忤權
倖意仍以知府調衛輝居衛踰年陞江西左叅政轉山
西按察使陝西右布政使擢右副都御史巡撫大同公
洞達政體劇裁如流所至赫赫有聲然數裁抑貴倖以
爭降三級致仕既復起爲兵備都督副使外艱未幾又
用薦起爲山東叅政轉福建布政 召爲光祿寺卿陞
南京刑部右侍郎轉右都御史總督漕運江淮故鹽徒
出沒爲患公請兵討誅渠惡若干人而招徠其衆革驛
傳費宿弊一清事具江淮保障錄中在漕三年進南京
工部尚書改南京刑部已而召入北曹居三月餘謝歸
公平居色溫禮恭至臨事則疑疑操執不渝雖屢蹶而
與無所依違媼媼故資久而後大用旣用而不獲久學
士大夫想聞其名累形薦牘有冥鴻千仞之思焉祖及
父以公貴皆贈資政大夫南京工部尚書妣皆贈夫人

公既致仕以俸入

部尚書又勅書院買贍田教

高氏子姓及四

朔望謁祠退考業講學所居

僅敝廬布衣蔬食終其身蓋孝恭誠樸出於天性然也

配黃氏累贈夫人先卒子男四長廷紳舉鄉薦歷官澂

江知府廷實當塗縣主簿廷舉德府良醫廷愉養利州

知州女二適義官方丕國子生李如山孫男十六人曾

孫男十三人於是廷紳以公訃聞詔賜祭塋贈太子少

保謚襄簡銘曰

高起太尉為宋宗臣碩大以蕃德懋宣仁節使南邁開

家海濱濬哲發神篤生律以秉心淵塞權節麟陶鉅才

洪度展也經綸單車入田蠻猱率履保國也進歷試益

振八座累遷一德貞純歸老昌壽儼古大椿傳野騎箕

魯邦泣麟公神歸天形返茲窀穸盤谷迤邐滄海齋淪峨

峨高墳松桂聿新紀德弗諼斷此堅珉

明故通議大夫兵部左侍郎贈都察院右都御史

潘公墓誌銘

嘉靖丁酉朝廷以安南國久絕朝貢議發兵往問其罪

是時言囊方窺代郡烽堠屢警兵部侍郎潘公上言今

天下之患北圍為急南夷越在萬里自相篡奪以為故

常遣使諭德意不服然後用兵未晚也今舍門庭之寇

罷民而事遠畧力分寇玩非計之得也奏聞上謂安南不庭義當征討而公職佐本兵不宜沮撓以惑人心詔奪官歸其後以兵書毛公伯溫視師南中宣布德意而安南尋以納款一如公言公罷逾月言官交章乞還公久之得致仕撫按薦章亦累十數上吏部列名起公俱未報而公臥家踰十年竟以不祿訃聞上乃詔有司給之祭葬仍贈右都御史公之爲忠皇上固知之矣公諱珍字玉卿姓潘氏世居婺源縣桃溪至公嘗建祠祀其先祖予爲記其始遷仕系詳在記中諱思文考諱坦俱隸部侍郎妣俱贈淑人登弘治壬戌進士知諸暨縣諸暨號難治公治有勳民父加戴之旌爲立祠樹碑紀其績陞大理評事歷山東按察僉事劉賊之攻山東也募食秣馬犯于關里公愀然曰以先師之宮而吾有司無救于盜賊之患乎乃奏徙曲阜縣立關里城之陞本司副使兵備遼東丁外艱改福建尋世恩之不忘陞湖廣布政使時方營顯陵供費鉅萬皆取給湖藩公議節縮糜濫并請九江浙堽二關鈔銀佐之無加楚賦詔從其議湖民苦輸宗室祿米當歲會則近省郡縣民緣吏爲奸乃坐其輸於遠郡遠郡民苦之

錄不時給上下俱因公爲均其道里羸縮之著諸令甲
自是公私皆稱便陞副都御史巡撫遼東遼故有邊塘
袤數百里久圯不治虜得窺伺爲患前巡撫治之功久
不就公議請日役卒凡若干萬人分六營防守親督巡
其間五旬而訖工詔勞公金幣內艱去能起南京副都
御史提督操江尋陞南京兵部右侍郎改兵部天下方
以大用屬公未幾而安南議興遂以去位爲公恂恂樂
易而中實猶介遇事毅然爲之不爲威暢利四所著石
愚衷錄省愆錄兩峰存稿年紀諸書凡若干卷藏于家
皆本諸事情非空文無實者也公生成化丁酉五月
廿六日卒嘉靖戊申七月五日享年七十有二配張氏
累封淑人先公三歲卒子男二長整貢士次鑿廕補國
子生女一適戴緋孫男一榮孫女二整等以其年月日
葬公于邑塢塘之原乃奉給事中游君震得狀走京師
詣予乞銘泣曰先人有遺命敢以爲請公昔爲兵侍南
都予實爲南吏書而公族子且爲吏侍日往來論議相
好知公爲深頃嘗請乞用公不獲如願而今不可作矣
尚得列其行事于石俾有聞于後世亦庶以慰公之靈
銘曰

孰爲仁里考亭桑梓有鬱山川英賢聿起孰爲德門途

辰叩關上書不用蹇蹇者存賢澤彌隆祀享百世啟其
嗣孫爰躋膺仕侃侃蓋臣奮批逆鱗師征勿亟交夷來
賔位誥道伸身退言用薦書日騰士望倏重天不憖遺
而遽奪之命也謂何弗究厥施堂封在斯用者來會
帝有卹恩公其永慰

明故通議大夫都察院右副都御史吳公墓誌銘
吳公諱瀚字受夫河南洛陽人也其先吳人國初日阿
濱翁者以從戎隸河南衛遂家于洛焉曾祖諱成祖謹
與父諱全俱以行誼聞于鄉母李氏於成化丙午六月

八日生公後以公貴父祖俱贈中大夫陝西行太僕
寺卿母祖母俱贈淑人公少敏慧日誦數千餘言博覽
羣籍發爲文辭迥出流輩與弟瀛同舉鄉薦又同第進
士公初授南京山西道監察御史性素介直自負慨然
有埋輪之志會中官廖鵬播虐河陝事發逮詔獄羣黨
猶曲護之冀得末減乃抗疏列鵬罪狀竟賞重典時論
快之陞江西按察僉事公所蒞湖西訟訴繁委乃省文
例詳聽斷發奸擿伏人稱神明嘗平反疑獄其人感泣
繪公像祠之陞湖廣布政叅議守辰沅諸郡歲旱率吏
民徒步零禱雨隨至沾足郡人誦頌其事時沅殍載路
請于撫臺發廩賑貸議欲行勘公曰勘則遲久亡者過

銘賞錄卷五
十四
半矣竟發之撫臺益重公疏薦其賢陞陝西副使整飭
延安兵備有妖賊聯黨爲幻出沒無常悉計擒之陞陝
西行太僕寺卿復陞山西按察使公法比精練爲衆推
服凡大獄訊決罔留罔無淹禁陞右布政使轉左使是
歲虜酋擁衆寇太原城素無備公乃誓衆分部固守而
躬督糧出犒師已而援兵四集士獲宿飽衆賴以安又
議築外城以固保障晉人至今德之陞應天府尹尋陞
右副都御史奉勅巡撫畿甸兼督三關值邊疆多壘遣
戍靡常乃廣積貯修械器簡士馬嚴校閱匝月而戰守
之具各備又以馬水口李家嶺爲宣大要衝乃剴壁築
垣增屯置戍備戒孔嚴後虜果至浮圖峪不得入議者
以二堡經畧爲有功焉無何以事忤時議詔回籍聽用
於是公乃還洛屏迹山墅人罕見其面撫按薦公經濟
可以匡時清忠可以勵俗宜亟起用以慰人望而公竟
以疾不起矣嘉靖庚戌八月八日其卒之日也享年六
十有五公簡重沉密遇事能斷雖糾紛盤錯從容暇裕
不動聲色以吏能稱于時性樂易不自岸異人尤樂從
之事親孝處諸弟友愛弟涉癯早世育其遺孤躬爲嫁
娶與季弟不異爨俸悉付之不問出入雖通顯澹素
如布衣時喜聲律晚益工集古句千餘首彙帙藏于家

配王氏累封淑人生子二長三樂領省解第進士改翰
林庶吉士歷官駕部郎中次三聘舉人孫男三長本善
次本德次某孫女五人三樂既聞訃將歸匍匐請予誌
諸墓中之石蓋昔在秘嘗考其業於誼不得辭又其姻
今大司馬鳳泉王公所述狀事覈實可徵故叙次其事
而系之以銘亦以慰其子之情也公葬以卒之明年
月 日墓在某鄉某山之原銘曰

吳氏居洛實肇其祀再世弗顯自公始仕以學植身施
于吏治更歷諸藩盤錯屢試惟其休聲所至有稱孰謂
不顯位陟臺丞厥用未竟後廼事興慶流奕奕有承其承

鈴山堂集卷第四

墓誌銘

封中憲大夫都察院右僉都御史楊翁墓誌銘

封翰林院編修文林郎李君墓誌銘

封翰林院檢討儀仕郎前縣令裴君墓誌銘

封承德郎戶部王事古庄張翁墓誌銘

贈鴻臚寺署丞祭天監墓誌銘

亡女袁室 贈安人墓誌銘

鎮遠侯太夫人墓誌銘

封一品夫人李氏墓誌銘

封太孺人陳氏墓誌銘

封夫人楊氏墓誌銘

英國太夫人魯氏墓誌銘

成國太夫人陳氏墓誌銘

山堂集卷之四

墓誌銘

封中憲大夫都察院右僉都御史楊翁墓誌銘

楊翁諱騰字用昔刑部左侍郎行中之父也世家順天

通州曾祖諱榮甫祖諱秀考諱禮訛唐氏實生翁翁少

學儒棄去不欲仕然行中舉進士治邑稱最擢御史翁

封御史由御史歷太僕大理少卿僉都御史翁又封僉

都御史通州去都城六十里翁年九袞精力逾健性來

城中幸馳輕騎竟日返無倦容或謂有攝生術叩之則

搖首不答予聞而奇之每從行中問起居曰吾父日再

飯脫粟冬一裘夏一葛之外無異物也間又得其懿行
數端歲入必輸公曰畢此可以卒歲無憂里中有不平
從翁質一言無不帖服者嘗得遺金求其主還之主分
金為謝弗收其處于鄉于家庭者皆君子長者事書
所稱攸好德非耶嘉靖辛亥二月九日公無疾而逝距
生天順戊寅享年九十有四訃聞 詔遣官賜祭配陸
氏贈恭人 男五長郎行中才學著于時次行並行恭
行恕行簡 一適薛棟孫七衣立 立允彥享卞魯孫男
二陸恭人 公三十年卒葬州城 東祖塋至是啓窆合
墓焉葬以 之年五月九日行中 狀來 諱 銘夫世
所希慕而難得者莫若壽壽之所難者莫若健樂無青
災安享令終也古稱有道之世民罔孔瘡林藪則多黃
髮鮐背之老為世休應翁生長都邑完厚貞固壽躋期
願豈非 聖化涵濡休養所致哉而其遺行可稱者又
如此夫禮重高年文剛有德銘何以辭銘曰

閱齡踰九壽以康天篤其祐躬先臧 恩封諭祭來

宸章潞河之渚崇哉岡立宅厥儷宜皆藏勒銘紀休光

明故封翰林院編修文林郎李君墓誌銘

君卒之十年其子璣官春坊中允國子司業以省母得
請歸而速予追銘君之墓蓋君初卒京師中允已屬子

銘至是申前請誼不得辭焉按狀君諱萬古字惟一豐城之湖茫里人也湖茫之李自唐及宋支屬日蕃入

國朝以科第起家者二十餘人他仕列中外亦駢附映發其占籍吾袁州仕爲太平府學訓導曰萬魁者君之前母兄也君以兄業儒乃獨理家務素志濶遠不喜逐時利又弗善節縮以故生業日窘然不卹也卽又以遠大屬望璣歲大比璣就省試期當報至君輒翹企坐里門俟之已而璣果舉于鄉入對大庭制策滾滾千餘言言皆規切時事天子手批其文曰謹特置高第唱名儲養中秘授翰林修於是君來就養京邸遇

恩封如璣之官拜命闕下觀者莫不歆艷以爲榮曰李

君果成其志君素善飲飲則行巨觴酣歌爲樂嘉靖丁酉九月卧中忽仆地群感風痺蓋自是多在床褥越二年已亥疾加劇遂不起閏七月初九日也曾祖諱杲祖諱琢考諱仁母鄒氏君早失怙而能致其哀營墓地徒步遠涉至血趾不顧養娶母克盡其誠一果疎微物不先母食事太平甚恭於財利厚捐而約取一日縣索逋急兄憂無出乃盡出私奩以輸他日析產語畧不及前事於是族人無少長翕然稱君孝友爲難嘗日出得遺金於道求其人而還之見人窘卽分貸之貸而負輒置

不問博通書史考究前聞動稱古人思與之齊性坦易
不設機阱與人交遇事可否盡誠忠告蓋君之道信於
家庭而稱於鄉黨者如此生成化壬辰八月二十九日
壽六十有八葬以 年 月 日墓在 山之原配封
孺人朱氏子男一即璣一女適同里余橋孫男二曰庚
曰度夫古誼曠達俗競利趨務封殖取盈孰有視豐財
而棄高識遠覽如所稱於李君者哉大江之西世有處
士若徐穉蘇雲卿杜清碧之流皆獨行卓出表冠人羣
生爲一世之模範遺百代之軌若李君者始聞風而興
者耶矧中允君英特
有文蔚著時望所以大君之世豈
未有滄溟則較君所得不既多乎 廼爲之銘曰
世競趨而我後人方取而我否嗜義若飴臨利弗苟棄
以取贏其得孰厚吁嗟若人善信孝友其聞孔昭其行
靡疚其澤之延維理可究銘以識其藏期永弗朽

明故封翰林院檢討徵仕郎前縣令裴君墓誌銘
君諱爵字仁夫姓裴氏裴自魏晉以來世爲右族唐貞
觀志氏族以忠賢貴戚入高等史傳所載公卿臺省勳
德聞望後先相屬而皆稱曰河東裴氏宋末有自河東
徙澤州者名其地爲河東村後遷下村又自下村遷大
陽里者自君之高祖諱榮始也曾祖諱彥祖諱廣三世

同居父諱椿由大學生丞清豐性孝居母喪廬墓三年
詔旌其門君十二隨父廬墓書輒自喜綴文十五
隨入京父往蒞任君獨留京從取友夙夜勵學不輟
學成而歸未冠舉鄉闈然屢試禮部弗第乃遷令徐之
豐邑邑病於水民艱食君緩征節用除煩振乏爲築堤
通道民得利往來無阨沒之患學宮暨諸司行館皆規
措創飭民不知勞有犯私鑄者餽吏金求脫旣縛吏正
其法治諸豪民之武斷者境內肅然旁邑徭賦恒倚君
以平武宗南巡有司憚供億數道避巡臺以君接備
徐洪沽頭夾溝一路處辦有濟諸惡政在豐人至今稱
之值父憂歸服闋起令臨漳以母憂歸起令吳橋吳橋
近畿輔多侍衛將軍及宦寺前令率爲率撓不得展君
飭已旣肅又精吏事蒙右帖服居二載政平民安常晏
坐堂上若無所事事者歷三任屢受當道獎異屬當上
九載績君頽幡然曰旣老何以仕爲上疏乞休不待報
而行乃首治諸祖塋立祠堂置祭田歲時奉祀一用朱
氏禮出貲修孔聖殿社學鄉賢祠立家範鄉約鄉人歸
其厚君孝友出天性而承於家訓居二親喪寢處苦塊
至終喪未嘗入私室教諸弟以學庠士及門者甚衆子
三人宁府學生宇寀皆中鄉試宇舉進士入翰林文行

音稱以 太廟恩君得封翰林檢討如宇之官先配楊氏繼邵氏贈封皆孺人君自致政歸不復入公門鄉飲禮請亦不赴惟與里中士夫作者壽會爲樂素鮮疾疾三日以嘉靖辛亥六月廿又六日卒距生成化戊戌月 日得年七十有四女四李惟孝龐教王鶴齡李惟岳壻也孫男四本立本固本正本一孫女四曾孫哲曾孫女三字寓京間計將歸奉樞以明年 月 日于楊孺人墓合葬而備制遺余泣請爲銘余故重其世系君爲賢令宇又在門甚久不獲辭銘曰

夙裴著族三眷分名德顯遜代有聞令君繼續湯清

惠施三邑政已勤巽然稅駕 還榆枌有 卓犖才不 獲樹挺出于青雲 恩賜綸 勅迴龍文慶鍾來禩方阜殷德壽考終無不欣永宅安固斯其墳

封承德郎戶部主事古庄張翁墓誌銘

光祿少卿張君鎬初舉戊戌進士予適視事禮部明年予以扈從 聖駕南巡至定興縣有司爲具餐設次于少卿宅其父古庄翁出見言貌淳樸承接甚備時翁猝僅禮之而去比後少卿每見恒得問翁起居狀今年秋少卿憂去則翁以孟秋之十日捐館距成化丙戌享年八十有四少卿卜以是歲九月之吉奉翁與其妣封安

人李氏合葬于邑陽村白溝之陽而匍匐以墓道之文
爲請予既識翁於少卿還許厚誼不得辭翁姓張氏諱
景芳字德馨保定定興人其先居陝西涇陽在宋有
仕爲評事者三世同居詔旌爲義門翁考諱材母劉氏
以從戎入京卒葬定興翁僑處筑筑奉其母無有顧之
者堅忍含納力勤服儉刻志經營遂能因旅作家而家
日底於裕歲侵出粥餉饑所全活者甚多會大疫復施
之藥死不能具棺則助之葬又創修板橋拓官路以便
行者建義塾教里中子弟晚年致行益高爲邑人所敬
服諸爭訟者詣翁得一言即解去風義聞於一時歲稱
張翁長者云翁平生訓子極篤少卿奉教自擢第初任
戶部郎督餉雲中習知虜情地形與將材高下遂擢爲
職方郎凡所揆擬動中機宜由是蔚有聲稱擢今官定
興距都城僅數舍食飲之奉克以時致翁雖老康強無
恙其卒也無他疾廼所謂壽考令終者耶配李安人享
年七十有一先翁數年卒子男四曰錦早世次銓次卽
鐫次鐫縣學生女四俱適農家孫男十二曾孫男十三
曾孫女七計翁男女外孫而下凡六十四人昔周人以
瓜瓞論民之初生言其初小而末大方翁之生于京師
徙于定興纍然孤子門祚僅若綴旒乃今德慶流衍及

於其身親見子孫之衆多而又得光祿君之駿發夫豈
偶然之故哉然予聞翁性慈善每戒人毋殺牛曰用其
力而食其肉吾不忍也他至鷄豚亦不輕殺里諺有張
道人之稱夫固積德行善之有自歟銘曰

其質敦龐天錫之良其行無臧履善執方其後允昌濬
發厥祥陽村之原封之若也銘以載德翁也弗亡

贈鴻臚寺署丞黎天監墓誌銘

黎生天監字保之臨江新喻人父監察御史諱鳳問學
優洽居臺中舉職有聲脩習多推讓之然以謬落其職
竟齋志以歿天監以弘治甲子十一月十七日生于京

師郎第余始舉進士與御史君交善予有息女因許丞
監婚焉天監童時儻不群既長爲邑庠生學稱有成
御史君歿予乃携之入京從輸粟例卒業太學連試京
闈弗第天監刻意古書法擲管作字清勁有法其作行
草逼真羲獻會 朝廷選能書者天監試在選中每以
且 禁內日給大官之饌累荷白金彩幣及衣布之賜
蓋將有品秩矣無何遘一疾竟以不起嘉靖壬寅七月
十五日卒卒之時年三十有九耳嗚呼可哀也蓋天監
以吾女偕處京邸女屢產子不育以憂傷致疾先是戊
戌九月二十五日卒天監喪其配又久無子於是亦以

憂致疾嗟乎壽夭得喪命也而乃以此嬰疾自傷其生
惑也予嘗謂御史君之材賢厥用弗究將貽後人以食
其報而復有此不知天之道何如也天監側室陳氏生
一子曰伯承今甫六歲聘參政南昌劉起之之女或者
曰幸哉其有此也而天監歿後 朝廷念其勞特贈爲
登仕郎鴻臚寺署丞蓋異恩云嗟乎歿而有知其以此
自慰乎哉抑更以悲耶於是予遣人以天監之喪歸將
以 年 月 日同妻葬于 山之原遂執筆誌諸窆
其先代世系載余所誌御史君墓誌不著著其歷履生
卒之槩而系銘焉銘曰

汝父坎懷弗售其志汝復隕年弗待 嗚呼奈何夫
實爲之兩世我銘吁其可悲

亡女袁室 贈安人墓誌銘

安人姓嚴氏諱咸宜吾長女也其母一品夫人歐陽氏
初乳而生嫁于袁今工部員外郎應樞其夫也高州府
推官封南京刑部主事修論舅也弘治己未七月初二
日其生得年四十有三嘉靖辛丑十月二十三日其卒
也卒之五年 廟享單恩安人其封號也始余與刑部
居同學友善君之父拙齋翁諱璋耆德長者以應樞長
孫介媾求婚先祖少傅公諾之應樞早失母彭而祖母

夏乃保抱鞠之女及門事夏孺人甚謹疾侍湯藥借寢處經年不少懈而事庶姑禮曲盡如姑故袁之宗稱焉應樞為諸生久不第會有詔令有司歲集試諸生拔其高等者貢之與進士鄉舉三途並用於是應樞被選入貢卒業太學數年選為湖州府推官以女偕行行時女已屬疾至湖之境疾甚僦菱湖港民舍居而卒遺言曰與夫子茹苦二十餘年苦止此命也惟吾父母恩不能報舅不得終事子婦之道未盡請薄棺歛取縗麻束身以示執服報尊之禮夫子其勿以吾為念居官平刑惠民積陰德貽子孫吾目瞑矣

父母幸自愛無悲念我又告父乞言為我銘誌則不朽應樞於是遣使以遺書來訃告吾與妻哭之慟焉女生而明慧異常好觀書史即能記握管作字如法女工纂組之事不學而能且其志識尤有足取者初歸時予仕而貧無以為奩具僅數常服充篋里俗嗤之女弗以為戚比予祿賜豐時有所遺女安儉如故弗矜應樞始子立數被窘抑女但勸以立學聽命食淡攻苦以助之然甫得祿仕而女遽及夫故嗚呼豈不傷哉生一子鐘年十七學已向成以念致疾後二年卒一女適左方伯李公澗山長子慶餘既嫁亦卒是益可傷焉今

一子曰缺側室王出也應樞在湖三年能其官為當道
所交薦陞南京刑部正事歲餘改工部今奉使歸擇
年 月 日啓女之殯塋于 山之原吾哀女不永年
祿食不沾 恩封莫待蓋人世之極可悲者矣迺從其
志為誌納諸墓使有知殆亦可以自慰也夫銘曰
清冷兮語言婉婉兮淑姿孰來而生兮其夫何之貴也
弗借兮命止于斯其藏永固兮誌以此辭

鎮遠侯太夫人墓誌銘

太夫人姓蔡氏諱叔能尚 淳安大長公主附馬都尉
震之女太傅鎮遠侯諡榮靖公士隆之配公管右軍
都督府事鎮遠侯懷之母也城 北里辰升男曰太夫人
人生其始生也 憲宗皇帝 孝莊皇太后遣中使以
白金綵幣為賜既長明慧端莊 選所宜歸以歸顧氏其
歸榮靖也 孝宗皇帝 孝貞皇太后賜金幣為奩其
太夫人雖處貴盛入門而執婦道事舅姑盡敬待姻族
有禮御下以仁戚里稱焉榮靖以總兵官督漕於淮暨
督兵平寇于狼山扈從 武廟于南巡已而出鎮于湖
湘勲績懋著而在淮十年太夫人皆從教育諸子愛以
公禁戢家眾不得妄出入以嚴公無內顧得以竭力王
事皆夫人之助公既老召歸京師而薨哀嗣奉勅守備

留都繼克總兵官仍督漕于淮前謹為時柁重夫人之
教然也始以榮靖貴封為鎮遠夫人繼以襄進封為
太夫人嘗朝 章聖皇太后于 中班第一進止閒雅
章聖問而嘉之命賜茶及金 錢一是歲戊申六月之
十九日太夫人疾卒得年六十有五其卒也賜諭祭三
壇命工曹給開墾夫役襄疏請給假治喪及奉柩還葬
于揚州詔皆允之子男六長即襄次子密案寵女二錦
衣衛都指揮使王槐都督僉事蔣華其壻也孫男四承
光承業承學承問孫女五長適 歸家衛千戶馬世亂餘
皆幼於是 年 月 日啟榮靖之墓而合封焉大
理少卿沈君良才曰顧氏父子治淮廉靖不擾淮人迄
今思之廼述太夫人事狀襄以請予銘廼為銘曰
仁柔明祇淑慎其身也濯芴有華肅離來嬪也洵美帝
甥為侯夫人也桓桓榮靖維國虎臣也兩世鎮淮令聞
以振也崇封榮養寵祿備申也奚代之遠 遽返其真也
廣陵之濱以啟茲窀也合璧同藏綏慶無垠也

封一品夫人李氏墓誌銘

夫人李氏河南洛陽縣人歸於靈寶許氏今少傅兼太
子太傅吏部尚書文淵閣大學士松臯公其夫也先任
吏部尚書今贈如松臯之官謚襄毅公諱進其舅也初

夫人之父諱祥任山東濟南府推官時襄毅爲山東憲副與濟南雖司屬相臨而昔同試鄉闈各負文譽以意氣相得聞李有女賢乃爲少傅公請婚而李許焉及歸事其姑太夫人高以孝敬不見其怠處妯娌以輯睦下逮其庶以慈不見其戾周親黨以惠不見其靳少傅公登進士自爲推官徵入臺察改翰林編修僉事副使泰政布政以至侍郎尚書夫人皆隨任所至戒內外以嚴節用度以約其貴也歷膺詔封齊榮極品朝章聖皇太后於清寧宮從 皇后於北郊又從內苑採桑侍宴親蠶壇側賜綵段寶纒福履顯盛而夫人持自以抑不見其有驕盈之色也夫人始生子曰備早世次曰傑歷授中府都事陞經歷再陞辰州府知府以夫人病不能赴任奏改禮部員外郎掌中書事仍給正四品服色女三側室王氏出夫人撫育不異已出孫男一曰茂楨夫入之卒也以嘉靖乙巳八月二日距所生成化甲午四月二十九日享年七十有二少傅公謂嵩曰吾室與吾處五十五年矣中間予父子兄弟遇遷謫南北奔走艱辛顛困吾室同之時乏婢僕則身親所事鮮貨用則恬淡自怡未嘗有分毫外慕蓋助於吾者實多予比蒙朝廷厚恩祿入旣豐僕御頗具夫人可以自適而染患接

痺今又棄予以逝此予之痛而何能已于懷也於是自述狀授高使爲之銘嗚呼觀於公之所稱述所傷悼則夫人之賢行從可知矣葬以其年 月 日爲之銘曰偕處其隱約兮弗以隕穫既眎其貴羸兮弗以汰矜肆偕老而永好兮安弗祿之康憚胡淑儀之先逝兮顧內寢之伶俜 皇特異於卹恩兮勅工曹而營葬事式嚮用於茲福兮曰榮哀之備至嗟夫子之悲傷兮曷慰厥思惟令德之不忘兮視此銘辭

明故封太孺人陳氏墓誌銘

太孺人姓陳氏蘄州人福建都轉運使諱某之女嫁於馮爲兖州推官諱某之家婦贈監察御史諱某之配今大理少卿天馭之母也初兖州與運使公同里閑雅相友善各擇配其子而孺人來歸旣歸姻親內外莫不贊賀御史公力學自樹流輩咸出其下乃試有司屢不售憤欲棄業太孺人舉昔賢楊雄梁鴻坎壈不遇譬解之御史公應貢爲上舍生太孺人從雖困處無悔尤怨蹙之色已而天馭舉于鄉又舉進士授大理評事改授監察御史督南畿學政遂擢大理丞以至少卿才望重于時父母之教然也太孺人以嘉靖庚戌正月四日卒于家生成化壬寅五月二日壽六十有九子男二長卽

大理君次太學生天 駁女一嫁爲生員張儒妻明年其
月 日葬于郡之某 里某山之原大理以修撰王君所
著狀請銘于予昔大理歸省太孺人予嘗贈之詩知其
能孝也銘曰

斯有馮陳族茂世殷 令德是好爰締婚姻夫人實生稟
德惠純婉婉有儀柔 靜以仁夫君業成試屢弗鬻兩賢
之言諷諭攸篤古有 樂羊厥配稱淑學績中輟斷杼爲
最漢世賢母作戒不 疑聽讞稱平母聞以怡茲惟夫人
式毅似之捐其夫君 安義弗黎雖謂于躬鍾其嗣續執
法中臺作正南服晉 貳法曹屢緩疑獄僉曰仁哉壽母
是祝柏古淑德令 孔貽嗟浴夫以弗愧安師用昭
懿篆此銘辭

封夫人楊氏墓碑銘

夫人贈禮部尚書忠烈孫公之配也公巡撫江西正德
己卯值逆濠之變死之夫人含茹悲苦撫孤持危者十
有餘年已而見諸子貴顯衣緋垂金曾玄統膝科第聯
躡享榮養者二十年年九十二而終然由前夫人無慍
詞出後夫人無喜色凡其未亡之年一如夫君遇難之
日嗚乎可謂不愧乎爲忠臣婦者矣嘉靖癸丑五月五
日夫人卒于京邸子堪等疏聞 上特賜祭葬給驛歸

柩祔于忠烈公之塋仍賜並祭公蓋異數也於是堪等
以其嫻大學士李公所爲事狀屬予書諸墓上之石予
產江右蓋公所成仁之地悲昔感今于文其奚可辭按
狀夫人姓楊氏其先關西人八世祖諱益之仕于浙卜
居餘姚族姓蕃碩爲邑中稱最祖諱宜振以子貴封工
部主事考諱苓配陳氏生夫人幼卽端靜淑慧父
母謂此女有貴相必以偶佳士久之得忠烈公婚焉夫
人旣歸事舅贈尚書歸隱翁及姑李夫人恪盡婦道公
以是得專意問學壬子魁鄉舉癸丑進士筮仕刑曹駁
歷藩臬夫八皆從而公所至勵清操聲稱籍甚贊助爲

正德乙亥公擢副都御史撫江右舟至錢塘遣夫
歸公獨往夫人已喻其意歸而隱憂戚戚後果聞變夫
人慟絕復甦曰吾固知江滸之別爲永訣也卽命諸子
水陸分途赴難未幾賊擒克以櫬還宗黨議曰凡柩自
外入俗所忌蓋止之夫人毅然曰吾夫捐身徇國而柩
不入中堂非禮也卽不利吾母子甘之矣竟奉厝正寢
朝夕哭踊盡禮進諸子語之曰吾不難一哭而死所以
勉存喘息以爾曹未成立也言已撫棺哭諸子環跪而
哭旣襄事畢堪詣闕謝恩授廕爲錦衣千戶時嘉靖乙
酉也丙戌堪中京闈武舉第一仲子墀貢春官選入史

局季子陞乙未進士及第授翰林編修諸子迎養夫人
京邸公退必相聚列侍呼諸孫前戲以為娛夫人顧感
愴猶昔每遇公忌日輒悲咽廢食先是夫人居屈七
寸誕辰宗戚集而往賀夫人戒諸子却謝閉門慟哭衆
慟然而散其八十九也皆寓京邸朝紳又集而往賀
夫人戒如前夫人年雖高耳目聰明步履康健平生無
疾病不近醫藥至是微恙數日卒其生天順壬午二月
日初以公郎中考績封宜人後晉今封生三子堪舉
官至署都督僉事擢累陞尙寶同卿陞由春坊中允國
子祭酒命爲吏部左侍郎孫男一人鎮光祿寺署丞

世銅國子生鑑舉人經襲錦衣千口
鑿國子生鑑舉人
與鑑同科鑿進士改庶吉士鈞順天府學生鑿鑿尙幼
女二曾孫男十有一人如海如瀛如漢如津如湯如瀚
如游如源如沛如江女五玄孫男二應桂應松女一予
謂恩錫隆而未艾 皇上之報公者已爲備至嗣續蕃
而多賢天之所以祐公者又如是其單厚也夫人皆目
睹而躬承之可以歸報公於九原無憾矣公墓在慈谿
龍山之陽蓋奉勅遣官營兆時則少師邃菴楊公銘其
葬少傅木齋謝公表其隧而公之履歷在國有史在郡
邑有志在家有傳予爲序忠烈之編已詳茲以夫人附

不重及云銘曰

國有純臣兮家有令妻敬順無違兮厥媿孔宜江游訣
別兮義不及私抗逆以殞兮臣節凜而天鑒懿德兮福
履綏之既壽且康兮卒履期願迺其慶兮維後之貽
軒駟盈里兮莫盛與夷 帝念大忠兮祭典並施立室
同藏兮安固于斯

封英國太夫人張母曾氏墓誌銘

英國太夫人今太子太保嗣英公溶之母也嘉靖甲寅
六月二十日卒英公奏狀乞假治喪事 上允之遣禮
卿論祭於其家命有司營墓事合於先公榮初之壙卜

昌垣昭橫玉先朝行夫人慈倫 有常視古賢母惟敬

姜爰以子貴受 封章躬被命 服何燁煌性嗜樸素戒

厚藏嗟哉懿德士所臧祖域有 兆京西鄉

勅恩賜葬輝山岡嗣公純孝盡以傷乞銘史氏昭遺芳
勒之玄石垂無疆

成國太夫人陳氏墓誌銘

太夫人陳氏贈太傅成國榮康朱公之配今太傅兼太
子太師成國公希忠管錦衣衛軍都督同知希孝之母
也太傅以元勳入侍內直有年每趨蹌廷陛色和而禮
恭 天顏為霽今年春太夫人寢疾太傅憂形於色

上覺其異常問輔臣嵩所以嵩實對上廼時諭太
傅歸省然竟至凶訃屬時方大慶百司止常封不敢
以聞上知之諭輔臣曰希忠之私令所司如例舉諸
卹典而後以聞上所以加禮勲賢體其私而念之君
臣一體之誼至矣既又特賜祭七壇齋糧布各五十石
疋又給軍夫護送其喪天竈其當代鮮儷焉於是
太傅兄弟卜以九月十七日奉柩合窆於榮康之墓而
屬嵩爲之銘太夫人先世邳州睢寧人曾祖諱政以靖
難功封睢寧伯歿諡榮靖賜第家於金陵父諱鉞母伍
氏榮康初配曰徐揚俱皇世太夫人入繼其室能以順

期有日矣英公介都督陸公以來請銘曰予先世數傳
皆尊官大人銘予獨得後吾母哉意甚懇至不可辭按
狀太夫人曾氏世家都城父諱某母某氏生而慧淑異
常榮和公元配游無出閭夫人賢遂禮聘焉既歸授以
家政闢內外雍肅無間言而潔凌伏臘中饋井井榮和
公治戎政服勤在位無內顧憂公疾夫人侍不離側歿
則撫幼孤襄事終其身不服純采者二十餘稔英之先
始封爲河間忠武王諱玉繼定興忠烈王諱輔繼寧陽
恭靖王諱懋繼榮和公諱崙濟既襲英爵請母封於是
進封太夫人太夫人被九命珠翟冠服廼嘆曰爲婦人

者一旦有此勅浴務敦詩書其職業報國無忝爾祖以
故英公疑疑有立廼以恭勤不愼受上知眷凡戎祀
大典奉命攝其事克稱上恩賚甚渥足以徵夫夫
人之教矣太夫人性樂儉素言治喪無過侈奉之日
距生弘治庚戌九月十五日年六十有五子男一節
英公娶夏氏太保慶陽伯詩臣之長女女一適都督同
知袁公長子錦衣鎮撫良懋孫男五長元功次元德元
增元福元祿孫女三壘以是年 月 日塋在燕西鄉
連三調祖塋之次銘曰

英氏啟封自三五勳佐帝室 銘旌常代積忠孝

為婦治家以謹以嚴榮康曰吾不以家為郵得盡功
官者夫人之有相也榮康薨嗣公兄弟方觀太夫人如
哀襄大事悉準于禮而勵其子以學親督其課既嗣爵
諄諄訓誡俾竭忠報國尤敦愛親故賑卹孤貧曰兒享
厚祿時時荷上賜予惠隱弗施可乎蓋太夫人之性
行可稱者如此而嗣公兄弟篤孝友內外無間言雖處
貴盛謹默謙抑有漢石氏之風其得於母之教者不誣
也太夫人卒嘉靖甲寅七月十三日距生成化甲寅
月 日享年六十有一榮康有子三人其季曰希祖側
室出太夫人視之如一孫男一日時泰聘太保左都督

陸公炳之女孫女一歸予次孫錦衣千戶鶴予與太傅
偕內直寅誼為篤姻好有加於太夫人之葬而銘也其
何讓銘曰


粵惟睢寧伯爵肇封成國世嗣為今上公偉歟夫人貴
胄焉出作配君子榮康之室婉婉令德柔色淑聲寵祿
光大弗侈弗盈有美嗣公忠也而謹簡在 帝心入直
禁近以攝祀享以詰兵戎恪勤祇命夙夜在公亦有難
弟宿衛督府聯玉朝行無盛與伍 帝嘉汝子錫命之
華誥書兩及玉首金葩夫人寢疾命子歸侍比其終也
軫卹彌至禮臣承 詔特邁前文渥典隆頒先事後聞

在城崇崇壽山之郭從先其康永怡爾後

鈴山堂集卷第四

志略

二十一



Vertical text on the spine, likely a title or page number, written in Chinese characters.

Small vertical text or markings on the spine, possibly a page number or publisher's mark.

